



Na osnovu čl. 64. stav (1) i 70. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama Visokog sudskog i tužilačkog vijeća Bosne i Hercegovine (08-02-2-3567-1/2024 od 25.09.2024. godine), na preporuku Komisije za javne nabavke od 17.03.2025. godine, zamjenik direktora Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga posredovanja u prodaji avionskih karti dodjeljuje se ponuđaču VIP TRAVELS d.o.o. Sarajevo, za ponudenu ukupnu vrijednost ponude od 0,33 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku sa opcijom okvirnog sporazuma sa jednim dobavljačem.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke isti ih je dužan dostaviti na način i u roku navedenim u Tenderskoj dokumentaciji.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-2-55-3-26/25 od 20.02.2025. godine. Primljene su četiri ponude sljedećih ponuđača: Ventura Travel Agency d.o.o. Travnik, VIP TRAVELS d.o.o. Sarajevo, Centrotrans d.d. Sarajevo i Mrkulić-Company d.o.o. Sarajevo.

Komisija za nabavke imenovana Rješenjem, broj: 05-16-4-4614-1/24 od 30.12.2024. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-806-16/25 od 17.03.2025. godine je u prilogu ove odluke).

U predmetnom postupku predviđena je e-aukcija u skladu sa Pravilnikom o uslovima korištenja e-aukcije („Sl. glasnik BiH“, broj 80/23).

VSTV BiH je dana 12.03.2025. godine zakazao e-aukciju na dan 14.03.2025. godine, na koju su pozvani da učestvuju sljedeći kvalifikovani ponuđači sa ponuđenim cijenama:

- Ventura Travel Agency d.o.o. Travnik sa početnom cijenom ponude od 2.000,00 KM bez PDV-a,
- VIP TRAVELS d.o.o. Sarajevo sa početnom cijenom ponude od 1.800,00 KM bez PDV-a,
- Centrotrans d.d. Sarajevo sa početnom cijenom ponude od 2.000,00 KM bez PDV-a,
- Mrkulić-Company d.o.o. Sarajevo sa početnom cijenom ponude od 2.051,28 KM bez PDV-a.

Nakon provedene e-aukcije, dostavljene su sljedeće finansijske ponude:

- Ventura Travel Agency d.o.o. Travnik sa konačnom cijenom ponude od 4,00 KM bez PDV-a,
- VIP TRAVELS d.o.o. Sarajevo sa konačnom cijenom ponude od 0,33 KM bez PDV-a,
- Centrotrans d.d. Sarajevo sa konačnom cijenom ponude od 0,36 KM bez PDV-a,
- Mrkulić-Company d.o.o. Sarajevo sa konačnom cijenom ponude od 2.051,28 KM bez PDV-a.

Postupajući u skladu sa članom 8. stav (3) Pravilnika o uslovima i načinu korištenja e-aukcije (Službeni glasnik BiH 80/23), Ugovorni organ je izvršio srazmjerno umanjenje jediničnih cijena u Obrascu za cijenu ponude.

Prvorangirani ponuđač je VIP TRAVELS d.o.o. Sarajevo čija Ponuda ispunjava sve uslove iz Tenderske dokumentacije i u okviru je budžeta planiranog za predmetnu nabavku. Izvještaj o provedenoj e-aukciji, broj: 05-16-4-806-15/25 od 14.03.2025. godine je u prilogu Zapisnika i sastavni je dio istog.

Komisija je uputila preporuku zamjeniku direktora Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **VIP TRAVELS d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku


Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-806-20/25

Datum: 18.03.2025. godine

Dostavljeno:

- Ponuđačima,
- Odjelu za finansije i računovodstvo,
- a/a.



Zamjenik direktora
Sekretarijata

Hajro Pošković